

補續全蜀藝文志

補續全蜀藝文志卷之十三

黃岡杜應芳

裁訂

景陵胡承詔

詩
贈送

江津送劉光祿不及
陳陰 鏗

依然臨送渚長望倚江津
鼓聲隨聽絕帆勢與雲鄰
泊處空餘鳥離亭已散人
林寒正下葉釣晚欲收綸
如何相背遠江漢與城闔

送眉州穆少府

唐賈 島

劍門倚青漢君昔未曾過日暮行人少山深異鳥多
猿啼和峽雨棧盡到江波一路白雲裏飛泉洒薜蘿

寄趙徵君璡

李白

吳會一浮雲飄如遠行客功業莫能就歲光屢奔迫
良圖俄棄捐衰疾乃綿劇古琴藏虛匣長劍掛空壁
楚冠纓鍾儀越吟比莊鳥國門遙天外鄉路遠山隔
朝憶相如臺夜夢子雲宅旅情方結緝秋風正寂歷
風入松下露出草間白故人不可見幽夢誰與適
寄書西飛鴻贈爾慰離折

流夜卽至西塞驛寄裴隱

前人

揚帆惜天風水驪苦不緩平明及西塞已先投沙舸
廻巒引群峯橫蹙楚山斷研衝萬壑會震香百川滿
龍怪潛溟波俟時救炎旱我行望雷雨安得沾枯散
鳥去天路長人愁春光短空將澤畔吟寄爾江河管

送崔五太守

王維

長安廐吏來到門未央露網動竹軒黃花縣西九折
坂玉樹官南五丈原褒斜谷中不容幘唯有白雲當
露冕子午山裏杜鵑啼嘉陵水頭行客飯劒門忽斷

蜀川開萬井，雙流滿眼來。露中遠樹，刀州出天際。澄江已字，廻使君年幾三十餘。少年白晢，專城居欲持。畫省郎官筆，廻與臨邛父老書。

送楊長史赴果州

前人

褒斜不容幘之子，去狗逐鳥道。二千里猿聲，十二時官橋。祭酒客山木，女郎祠別後。同明月君應聽子規。

漸至涪州先寄王員外

戴叔倫

文教通夷俗，均輸間火田。江分巴字水，樹入夜郎烟。非聲含秋氣，陰崖蔽曙天。路難空計日，身老不由年。

將命寧知遠歸心詎可傳星卽復何意出守五溪邊
送嚴黃門拜御史再鎮蜀川兼覲省

岑參

授鉞辭金殿承恩戀玉墀登壇漢主用講德蜀人思
副相韓安國黃門向子期方州重入夢劍閣再題詞
春草連青綬晴花間赤旗山鶯朝送酒江月夜供詩
許國分憂日榮親色養時蒼生望已久來去不應遲
送蜀都李掾

前人

飲酒俱未醉一言聊贈君功曹善爲政明王還應聞

夜宿劍門月朝下巴水雲江城菊花發滿道香氣氤

送嚴訖擢第歸西蜀

前人

巴江秋月新閣道發征輪戰勝真才子名高動世人
工文能似舅擢第去榮親十月天官待應須早赴秦

送蒲秀才擢第歸蜀

前人

去馬疾如飛看君戰勝歸新登郤詵第更著老萊衣
漢水行人少巴山客舍稀向南風候暖臘月見春輝

送雍陶遊蜀

陳羽

春色三千里愁人意未開木梢穿棧出雨勢隔江來

荒館因花宿深山
美客回相如何物在應只有琴臺

峴山亭送朱大遊巴

孟浩然

峴山南部外送別
每登臨沙岸江村近松門山寺深
一言余有贈三峽爾將尋
祖席宜城酒征途雲夢林
蹉跎遊子意春戀故人心去矣勿淹滯巴江猿夜吟

送林立歸蜀

姚合

迢遞三千里西南是去程
杜陵家已謫蜀國客重行
雪照巴江色風吹棧閣聲
馬嘶山稍暖人語店初明
旅夢心多感孤吟意不平
誰爲李白後爲訪錦官城

送友人尉蜀

徐晶

故友漢中尉請爲西蜀吟人家多種橘風土愛彈琴
水向昆明濶山通大夏深理閑無別事時寄一登臨

贈郭綸

綸本河西弓箭手屢戰有功不賞自
黎州都監官滿貪不能歸今權嘉州

監稅

宋蘇軾

河西猛士無人識日暮津亭閱過船
路人但覺驄馬瘦不知鐵槩大如椽
因言西方久不戰截髮願作萬
騎先我當馮軾與寓目看君飛矢射蠻貊

送王殿丞知眉山二首 司馬光

嚼昔侍嚴親俱爲綵服人遊蘭已多益得桂復同春
風樹悲離異萍波聚散頻峽中盡遺事何處不霑巾

又

前人

君行杳何許萬里蜀雲西野色春期近林煙曉意迷
天藏巴峽小星逼劒關低莫使鄉愁亂交交信子規
和余懋忠青衣別後追寄之作

國朝楊慎

拙簪畫江沙寫出腸斷詞遙寄百里人見君昨夜思
昨夜復今朝百里又千里歡遊坐成隔乖離從此始

乖離渺何許異國猶鄉土雲從青衣來月自我眉吐
雲月兩悠悠光景爲君留因之托宵夢遠到海西頭

送徐用先歸嘉州

前人

客有歸歟嘆言從隱者流高議在青瑣吾道付滄洲
滄洲多故人夙昔諧幽賞嘯歌丹崖邊攜手紫霞上
壁津春水生波浪動江城崑嶺秋芳落清音滿蘭若
亦知江湖愛不廢登臨樂迢迢結桂枝望望阻相思
殷勤三歲字惆悵四愁詩伊予慕儔侶睽離分晤語
何時幾眉雲來作人間雨

贈張生一鵬歸涪江并東太宰松泉夏公

前人

嘉君新自涪州至袖有松泉經歲字江潭憔悴采離騷
丘壑風流閑啓事西窓剪燭話巴山空谷瑟音一
解頽何日陶潛三徑就追隨范蠡五湖間

留別劉珥江名大昌

前人

東渡南浦送輕航船張芳春發故鄉泛宅浮家沙鳥
外銷魂廻首石犀傍垂垂楊柳人千里漠漠蕪葭水
一方更喜欲來相慰藉琴音何日到江陽

贈趙大洲太史

前人

起鳳才華錦水頭，鳴鑾仙步上瀛洲。
文傳茲叔棲雲集，賦奏金卿花萼樓。
何國白環曾入貢，至今青海未全收。
廟堂終用平戎策，未許栖遲老一丘。

送何栢村元戎

前人

牛斗妖氛指日平，暫勞鵲印掛東征。
擬書行奏長楊殿，軍令先傳細柳營。
冀北貔貅曾控御，山西將帥半牙兵。
功成歸隱青城曲，社酒寒燈好結盟。

秋夜別荀益之

名譙，成都人。

前人

錦城蜀文上赤縣漢郎官星宿臨天邑風雲接灌壇
菊花燕席晚楓葉露波寒昭帳侵晨發離歌起夜闌

謝同鄉諸公寄川扇

前人

對青筠膜漬霞斑渥紫枵膏鍊月顏

枵小也

自覺金風

爽仙馭誰將玉雪灑人寰薛濤歌裏揚清嘯卓女吟
邊障遠山萬里橋西銷暑會幾回瓊樹夢中攀

送雷時若還蜀兼寄劉參之

前人

離離劍上斗落落琴中星丈夫不得意且持螯繫局

秦川迢遞幾千里燕臺八月涼風起閑居已懷宋玉
悲況是登山復臨水下馬津亭落日黃飛鵝不盡翔
雲長旅店夜眠聞葉下山城早發見新霜到家正是
初寒月酒熟燈黃肥紫鰕高堂稱壽有餘閒還肆高
情訪林樾問訊江湖劉牧之別來憶我有新詩明年
早遂聯鑣約要及春城桃李期

憶升庵

楊夫人黃氏

鴈飛曾不到衡陽錦字那能寄永昌三春花柳妾薄
命六詔風煙君斷腸日歸日歸傷歲暮其雨其雨怨

龜陽相聞空有刀環約何日金鷄下夜郎

送楊石齋

薛蕙

社稷功成後山林避寵年遭逢誰可並出處獨超然
反側當前日經綸邁昔賢殷憂興聖主至治格皇天
凶豎同權朽蒼生盡解懸廟謨隨指顧臣節見周旋
智勇千夫敵勲勞百辟先賞仍虛裂土名已重凌煙
許國心恒切還鄉興偶牽留侯初相漢樂毅晚辭燕
異渥絲綸數高風進退全草停黃閣詔花簇錦江船
水檻星橋側茅堂雪嶺邊雲霞深綠野卉木富平泉

事業存鍾鼎儀刑照簡編累朝瞻翊戴四海憶陶甄
白首歸休記青春送別筵衣冠望行色端不異登仙
送陸卽中奉使西川道歸蘭州

孫 陞

年少爲卽日天涯奉使時持杯憐遠別伏劔答相知
路繞金城曲車停錦水湄從何得佳句新月照我眉
送鄒汝遇之石城四首 蔡 清

識君未三月別君遽萬里自疑非丈夫淚落不能止
識君未三月別君遽萬里終不爲君恨天地有正氣

識君未三月別君遽萬里因思生才難莫負乾坤意
北行如浮學十年觀造詣炎荒無友生神交方遜志
淚春光又滿老萊衣

贈鄒處士還合州

陳獻章

出塞行贈劉草堂

名顯成化人

馮成龍

紫微樞極天之綱上將元居帝座傍天公爲興落攬
搶神人被髮下大荒勇畧積威世莫比手提豐城三
尺水弱冠曾誦西川纓膽落氍毹泣山鬼橫戈驅馬

淮海東褰旗斬將騁豪雄自是聲名滿天下白袍飛
將乘雲龍東鉞元戎鎮海島妖氛掃盡鯨門曉有時
水底戮鯨鯢有時雲中射飛鳥一朝天風吹海立鰲
觸城頽婦子泣將軍伏劍拒潮東海出桑田民始粒
長城九載樹洪勳忽爲黔陽借寇君羅施鬼酋悉交
臂夜郎椎髻藏千羣蠹爾螻蠻胡匪茹天險九絲豺
虎據年來殺人若草菅父老哀向天門訴聖皇赫怒
下九垓簡書推轂自天來將軍受命度東鉞指揮叱
叱生風雷號令激如白日光青天六月飛胡霜湯催

諸巢剪羽翼先施神策擊名王虎翼龍蟠管細柳萬
灶千屯燦星斗秋風颯颯草木黃雨霧茫茫正重九
夜半縋兵入趙壁忽自中天轟霹靂烈炬騰空劒戟
飛殺氣紅光亂相射禽蒐草薙亂鴻毛懸崖絕塞皆
上焦材官獻馘爭馳驟築得京觀若山高君不見嫫
姚車騎破匈奴祁連焉支起胡歌又不見據鞍矍鑠
馬伏波五溪銅柱壯山河將軍志氣本雄傑精忠湏
學漢諸葛南荒聲教盡越裳鐵騎踏破賀蘭闕歸來
奏凱拜冕旒君王爲賜紫貂裘鳴玉登壇符四七燕

飲麟閣名悠悠

送升菴還滇南

余承業

子雲辭天祿南走哀牢鄉稽首謝閭闔叩恩不敢忘
策馬達天津張帆度飛梁振劍伴衾枕洞庭與瀟湘
鵬賦揮賈涕鳳歌激楚狂幽蘭被九畹采采不盈筐
五月冒瘴氣異哉驅逐強問俗邁特何至止滇之陽
井木麗繁輝山海搖晴光復有好奇士握衣來門牆
濯泉選碧玉鑿雪搜點蒼城飛花霧煖寺入松風涼
飯兒賀海貝宴客傳枳柳可惜昆明旅可憐詞林望

蹉跎成白首艱苦斷柔腸金鷄豈可赦柰何數乃妨
暫以奉戎役超過桑梓傍青塚咽烏號荆樹悲鴻翔
萬物遂施化窮吳胡茫茫夙夜懷往義秉燭理行裝
邂逅青衣浦勸進紫霞觴歷歷歲月馳悠悠道路長
袂連意俱愜髯改情各傷抱憂予局促戒遠君徬徨
徬徨聽我歌浮生焉用忙潮州非魍魎白也流夜郎
折木感姬旦撫髀思馮唐神劍有時合良璧豈終藏
騏驎食弗飽荅蕙性本芳詹尹不能卜顏壽彭乃殤
天運詎如此窮達未可量努力崇令德萬禩仰文章

養雛學鳳鳴，挾飛覽遐荒。金馬舊梧竹，翩翩雲錦裳。
歌罷轉遲暮，棹月下平羌。江鳥舌初巧，江柳眉已黃。
離別在須臾，後會擬何方。夢中見顏色，尺素遙爲將。

送石齋楊先生

其首

葉桂童

揚震辭官去，行人比二疏。都城嚴祖帳，野色上征車。
道在滄洲遠，風吹白髮疎。成都桑弘明，千載一茅廬。

夫子能忘世，其如直道孤。介推不受賞，寧武本非愚。
黃閣逾三紀，清風散五湖。絲綸還世掌，鳳沼有新鄒。

石齋歌

何景明

濯錦江中錦爲水白石粼粼映江底江頭齋閣石巉
峨上築題名總因此岷撐壑柱盤天地產秀生神豈
人意日月霄通灑瀨根風雲晝吐岷峨氣明公少年
天下奇琅玕五色動光輝扶疎太華仙人掌照耀銀
河織女機明堂大厦要梁棟不獨文章翰林重懸磬
真諧韶濩音國琛果獻珪璋用公登雲閣望雲林霄
漢長歌白石吟功成思袖補天手力在寧忘障海心
衛公德業懷應滿李相風流今不遠海內完名已玉
成平生真志同金斷萬里橋邊綠竹園百花潭畔平

泉館待公一起慰蒼生還臥西山未應晚

送彭總制赴西川

前太

蜀道青天上岷山赤日西九重連授鉞萬里動征輦
開府松沙靜懸軍王壘低知公安蜀計諸葛大名齊

送安松谿給舍三首

葉桂章

風急大江秋行子家萬里雲行巫峽中月到峨眉裡

又

大江含百川雨過潦水渾孤舟慎栖泊處處有江豚

又

前年雪山來今日雪山去爲余謝山靈移文暫相恕

送余方池

二首

前人

孟冬饒朔吹行子欲何之
秦棧猿聲冷巴江鴈影遲
仙槎橫斗氣王節凜霜姿
鴈月卽筒酒恩波奉母慈

又

送子燕山暮懷入蜀道長
風霜天遠近雲樹日蒼茫
寶劍星文耀金鞍曙色光
恩波池上過詩酒且徜徉

白坪歌送高方伯

趙貞吉

青坂赤城雖有名請君聽予歌
白坪白坪杳何許乃

在資江之陽桺樹之里群山矗矗中藏此造之類白
其平如砥壘壁星廻俯偃旗梧桐枝散團生子青烏
老人始相示百年多士從茲起中有一人髯且長口
誦六經過鄭王已收諸印懸左肘復揮踈梅清北堂
我從主人坪上宿面面烟花江淨綠漢家暫免李將
軍猶抱靈文夜中讀君不見太玄白首墨爲池桃歌
抱膝隆中時丈夫出處各有意竭來因作白坪詩

送劉兵憲按蜀治敘瀘 前人

劍門豪士惠文冠匹馬西征道路難若到錦城先借

問好花還得數株看

錦川臘月乍流澌春到烏蠻洞不遲
馬謖廟前楊柳盡羌人伐竹效龍吹

法星常照兩川明水底魚龍睡不驚
神女夜從城畔過定將飛雨捲雲旌

贈劉生

綿竹縣人

前人

歸來無日不青山天放人間始是閒
綿竹縣中無限竹子歸先治幾漁竿

贈吳山人

前人

不注重魚不上醫七言五字一芽茨花展閉戶恐饑
卧惟恐貴人來索詩

贈張可宗給諫

李維楨

桃李無言春滿城射洪春酒爲君傾元龍湖海多豪
氣長孺朝廷有直聲國計空隨雙汨盡世途轉覺一
身輕入宮是女能生妬悔向蛾眉隊裏行

大渠隱窩爲夏少素題

來知德

若有渠兮蘭皋紆激灑兮江腰走霜礪兮直下若奔
逸兮蒲梢橫折兮盤旋跨江心兮虹橋峴峽龍窺兮

連蜷巫陽中流兮旅標集鳬鷺兮
咬涇列長陣兮沈寥漢升成村兮
蒹葭長歌款乃兮短橈彼美人兮
少素織秋浦兮雲綃喚虹霓兮東
壁飛青王兮紫毫舉芙蓉以爲冠
兮緝杜若以爲貂纓澧芷以爲旌
兮櫛江離以爲袍馭流星兮霄漢
駟王蚪兮超遙回看鸚九兮生鱗
長逢巽二兮怒號而何有此兮夷猶
返初服兮明朝渠有圃屋兮黃華渠
有屋兮重茅觀渠瀾兮春夕弄渠月
兮秋高我吟我渠兮散髮我飲我渠
兮山肴覺今兮我是追昔兮我勞
寒暑來兮歲云暮

乘雪夜兮輕舸拂袖發何人何人兮塵囂登堂兮薜
荔把袂兮松醪安得招吾黨之供奉兮山中乘黃鵠
兮飄飄三人同歌兮桂樹剖彩霞之片片兮金刀欲
來不來兮悵望積長思兮鬱陶

巫峽行送友人

前人

我持一盃酒送爾下巫峽巫峽峯高一線天不獨白
鹽爭赤甲虎鬚之木鳥道來江高峽急迅於雷遊子
歸心將別棹春風吹轉還復迴送爾行爾知否象馬
三足高驪首頭角鮮文鰐鯢秋清怪作蛟螭吼處

處鯨鯨避戈起止囚底柱狂瀾走米公長與爲心友
騷人詞賦饒車斗其間墨跡誰不朽西有白帝刺雲
霞殘牆墜壁生土花千尋鏤鎖鏗裴段蛇虺蟠結護
厓牙臥龍不是池中物躍馬翻成井底蛙此日何日
同書車昔時龍馬化泥沙草堂之子空咄嗟鼓聲才
斗塵哀笳文章不得當胡麻秦川歸去已無家寒虫
空叫夕陽斜爾去一望思無涯送爾行說與爾酒闌
起舞開肝膽蓋世英雄原無許江有鯨鯨山有兕天
地許生還許死生死如朝雲窮達如暮雨朝朝暮暮

成古今都入陽臺夢裡夢中誰放夢中偵將偵誇
口癡人前送爾行爾淚何潸然天生爾才不爾用匣
中三尺空流涎爾郭知無田買山應無錢仰天白日
叫九疑九疑又重玄我有舊雲巢巢在十二巫陽之
標巔于今別二千年吾友安期與偓佺幾入輪迴亦
可憐止遺我舊杖長掛在雲煙此杖能作人語說世
間之浩劫能化人龍穿雲逐霧上下三儀遍九天爾
可騎去闢天門會群仙仙半如遇東方劍道及瞿唐
子今又下人間遊我眉瓦坐八十四盤之厓簷臨別

送我巫峽之雄篇

太白崖歌贈傅達吾民部橋梓

傳有精舍在崖下鏡湖流杯池黃魯直石刻
皆古蹟也魯直謂蜀中之勝莫有長于此者
歌以發之

前人

剛風夜拂長庚落螺石江頭爭截嶽周遭雲母屏如
削直穿霄漢煙霞薄諸星相從下寥廓大者象馬小
者雀標顛一望何飄泊萬點芙蓉生霧萼一溝冰雪
赴大壑乾坤元氣流斟酌琪龕具寶鬼所鑿巖綠猿

玄蟠粉腹仙人曾此食靈藥石髓漸漸飛醴酪長風
扇海搖六幕菸邑恐終歸隕穽一朝偶爾騎缺鳳鳴
然一笑冲冥冥至今紅塵之子不敢登登之輕祿爵
我曾輕舉夢三台驅馳異域成龍媒吟魂道散招之
不肯回乘風偶到小蓬萊前人遊者化千灰一灣古
血生青堆惟有豫章太史書數字神呵鬼叱不敢推
近前欲讀之蛇蚓齧蒼苔傳氏父子兄弟倚馬才大
者其棠長向西北栽小者禦梧葉綵繞鸞臺一時香
名滿市槐綠野堂向此中開午日寒泉鏡殿山隈詩豪

棋伯共流杯赤髭白足相徘徊占斷太白一厓秀
與魯直相追陪頃刻古繼即今來惟有江山不老
是仙胎不知千載之后誰又尋我詩于厓巒捫蘿緣蒼
歸塵埃丈夫得志無窮澤不且與爾長嘯豪吟于斯
厓之中以消磨千古萬古之江山欲將爲之何哉寄
與猿鶴莫相猜好破厓中葡萄鴨綠醅

贈汪大池

二首

前人

水北山南春復春夢中長是爲傳神吟邊拉客張標
酒蜀酒名醉裏看花折角巾兩地共鉤江上月十年

岐路馬頭塵誰言高士今成傳髮白猶聞起渭濱
草滿庭園花滿枝百年心事白雲知方思東岱南衡
日剛畢男婚女嫁時蘇晉有絲皆繡佛浪仙無寺不
題詩蒲團贏得團栾話字字驚人句句奇

寄莊岐岡郡丞

前人

蟠龍山下牽裾別灑預堆前使者還自後杳然無一
字于今宛若隔三年天寒松子催鸚鵡春入榆条怨
杜鵑惟有甘棠亭上月風清夜夜何人圓

雪中留別東峰山人

前人

散水煮雪對東客煖筆圍爐興亦濃
負郭應無田二頃登山背腊路千重
眼前暝樹迷征客澗外長松掛素龍
一刻令人成繾綣百壺何地更從容

送楊太守

張蜀良

成都孝廉

翠在紗幮鶴在籠使君行色惜匆匆
牙樯錦纜人千里野老村童恨萬重
風暖柳枝和日未春深棠樹午陰濃
巴江采石遙相憶回首天邊問去鴻

送張可宗中舍省覲還蜀

黃輝

花時聯騎醉芳菲。君去長安花漸稀。青瑣慈烏春自語。白雲遊子夢先歸。牛頭曉色迎行袖。雞舌餘香著舞衣。西首自憐親舍遠。何繇黃鵠共高飛。

送張胤復孝廉還潼川因寄乃叔可宗給諫
前人

握手仙臺上。修然別恨輕。新涼十日飲。半醉少年程。西望青羊道。長懷白馬生。何時弄涪水。真共竹林行。契之別三十餘年。今歲再過。余久之歸簡池。書來告北走。率奉贈爲笑。時甲辰冬

錦水芙蓉月下盟
巴山蓮宇夜深情
梅花乍雪人偏
遠
蘭草將春客自行
烏帽飲來醒未解
黃衣賦後夢
難成
嘉陵秀色餐君足
應咲人間問長卿

契之自簡池來視余告別而北感其高誼書
以贈之
前人

忽枉相思駕不禁
同調憐餌我以成藥
感君非世情
幽蘭方吐萼
歸鴈尚留聲
還將杯酒意
並入棹歌行
又
前人

貧病便吾嬾
淹留嘆汝才
三年如昨別
兩度共春來

甲辰以立春日至今復以立春日至書劍將人遠驚花逗客開茫茫塵海裏何處寄書回

簡汶川王懷純

前人

拄杖穿雲度澗遲臨流自咲汝爲誰僧來磬外傳新偈人去花間感舊詩四壁寒蛩歌雪夜一尊明月舞萊時閒中剩有遊仙興遮莫淮南桂樹知

送萬竹法師還蜀

前人

獅王不出窟鶴衆自爲林巖下秘法雨空中流讚音振衣重薜落開戶四花深惟有峩眉月知君無住心

同前

劉

綱

平州人翰林

天末長風萬里吹
賜衣錫杖送衰眉
浮生未了燈前燭
證果猶携海內詩
到日錦城雲作侶
別時省署菊成籬
東林舊衲容陶亮
願爾無違結社期

贈都諫張來衮先生

湯 旭

信步尋芳咏紫芝
逢人剛到月高時
仙翁未解消閒處
用盡機關只著碁

留別東川諸友

方 采

河橋杯酒重睽違
增得孤蓬寸火輝
白髮始教將壁

水青春多誤點朱衣九霄雲路鵬程濶兩岸桃花燕子飛此去若逢楊監子前驅應不負來歸

送蔣崇甫漳南叅將

楊師心

青門饒吹滿江濱去國微茫見島雲舊領伏羗都護長新吳下瀨水犀軍廻戈樓櫓波靜對月瑯方虎帳分正是明時當海晏無妨卻覈縱論文

簡友人楊又玄

王胤

錦水支流斜帶郭石橋東畔故人居嘉遯已高遺世志幽棲不著鮮嘲書眼前蘭茝勝知己筆底風雲盡

起予每憶撫塵今尚健何妨頻坐共鱸魚

寄懷耿子健刺史

李商耕

卧閣風流遠近聞陽春隨處坐膏焚政成已作三刀
夢賦就還爲五馬文盛世勛名推伯仲清朝芳譽頌
忠勤自從徒步迎車日吟斷梅花日憶君

成都陳心箴與其弟廬墓五年大孝可嘉詩
以贈之

曹子朝

雙親一杯土腸斷欲歸時墓上木還拱松間風獨悲
吾生皆有本此道復云誰無限淒涼意乾坤祇自知

白頭吟贈孝子陳奉祠心箴

傅光宅

陳子篤孝友筆底生烟霞
青山碧水千萬幅秋月春
風共一家

陳工書畫故云

我今喜歸去陳子歌袞衣
袞衣豈我分子意有光輝
憐子孝友感予心爲子日
賦白頭吟

送陳靖軒明府還

成都

名保

鄒迪光

之子蛾眉秀場來遊楚
郡一官唯啜水五載但懸蒲

痼瘰切肌體膏澤浹流酥有如乳翼間子母常相哺
愧彼夸毗子休戚等越胡旦夕剝民脂求爲津要娛
五斗詎云薄榮名非所趨高車戒傾覆斯言諒不誣
送子江之濱去矣萬里途扁舟荷明月泛泛若海鳧
鳴琴人已遠嘆息知音孤

送范若材謫酉陽

若材時客臨卽

曹學佺

千載論文揚子居甞時相見不爲虛別來慢作臨卽
客謫去還看太酉書猿呌巴山當雪盡花明蜀路在

春初必須將遍峨眉後始信江南景不如

口占寄舒尚孺

前人

嘉州山水昔稱嘉隔岼凌雲泊使槎却寄海棠霜後
寧定烹岩茗雨前芽我眉僧下重來榻象耳人題乍
嚙花題大白魏我簿書成潦倒不知春半錦江涯
欲遊石犀寺不果來通陸上人

雷叔聞

綠樹廻苔徑高峯對石堂藥苗滋雨潤藤架引風長
薄頰期何促清鐘興不忘幾時謝塵網咲傲虎谿傍

成都送客

前人

江上榴林黃葉稀
冷烟沙蹟遠微微
秋風送君從
去明月照人何處歸
峽中蕩槳看山過
天外寄書雲鴈飛
故園朋舊能相憶
官拙窮如一布衣

送趙德符

潘紹伊

匹馬錦江頭
因君賦遠遊
客程將晚歲
去路古維州
山冷吹陰雪
波寒烟旅愁
遙知到家日
春色已邊樓

唐思之還楚

楊守敬

平州人

破囊匹馬挂詩筒
名世風流感慨同
望入青城仙子

氣歌仍白雪大王風新詩客裡悲彈後夜雨燈前長
歎中無限衷情難訴語豈因才子合飄蓬

贈王先生

崑山人名在公
棄官遁跡峨眉

方孔炤

桐城人
知州

寶榻駐山腰雲根自茲起一瞬瀾勝峯下吸雙飛水
梯樓緣石層遂閣收高視清齊猛道心蟬脫風來此
神武徒沉淪彭澤渺佛理夫子直超乘杖屨餘禪體
偶然獨掩關靜深忘月指方丈迴無人晨鍾度懸
新茶山幾重舊友胸中史銀界本相親光明未盈昃

昔年登眺此山高
今夕重臨興轉豪
劔閣北來千嶂合
巴江東去一秋毫
身遊雲裏看星斗
手抱天河濯羽毛
佳氣烟靈松栢古
屏開閬苑聚吾曹

槐樹遇雪

劉文琦

進士

一登劔閣嶺便是鴻濛天
霧灑銀河色雲同玉宇妍
六花飛繡谷千樹散瓊烟
田婦驚鳥白寧知大有年

奉使蜀藩

劉文琦

進士

錦官山色向人開
漢使乘槎萬里來
遊霧飛騰司馬駟
清烟高鎖子雲臺
北看劔閣星辰近
西望峨岷日影回
城上

芙蓉迎我 祇餘風景待吾裁

宿劔州覺苑寺次壁間韻

劉文琦 進士

壯齡結駟際昌期 騏驎何年伯樂知
面逐風塵心似水 身馳雲表鬢如絲
經翻具葉招提古 日照叢林夕影遲
七曲登臨餘興賈 劔關邀我及茲時

紀將軍二律

漢將軍紀信生于西充之扶龍鄉今尚有紀家村 劉文琦 進士

王跡霸圖直海田 興劉誑楚至今傳
忠肝一片寧灰滅 烈焰千年亘古懸
鳳嶺葵花猶向日 虹橋溪水若號天
逢于社矣貞魂在 何間封侯太史篇

逐鹿干戈歲月尋，謀臣如虎卒如林。
誰將軀骨殉丁火，扶得山河屬卯金。
雲外晴光昭赤膽，碑陰夜雨泣丹心。
元功帶礪已何在，安漢芳名自古今。

雨花堂

西充寺中
古蹟

劉文琦

進士

曇花發處古丹丘，結社當年挾綳筆。
陣雲橫斷法雨詞，壇龍戰甲瀛洲主。
光圓滿章奎壁金，界長明射斗牛追憶。
醒醐共飲日幸余，叨醉曲江頭。

題王給諫紫金園

廣安王希泉家園

劉文琦

進士

手闢乾坤第一峰，青蒲朱檻自蒼龍。
鳥鳴簷外朝陽鳳，魚

躍池中殿上龍直節摩天看勁竹丹心捧日長長松香出
學士東山謝會見蒲輪下蜀賓

補續全蜀志卷之十四

黃岡杜應芳

裁訂

景陵胡承詔

詩

琴歌

漢司馬相如

鳳兮鳳兮歸故鄉遨遊四海求其凰時未遇兮無所
將何悟今夕升斯堂有豔淑女在閨房室邇人遐表
我腸何緣交頸爲鴛鴦胡韻頑兮共翱翔

鳳兮鳳兮從我栖得託孳尾永爲妃交情通體心中

諧中夜相從知者誰
雙翼俱起翻高飛
無感我思使
余悲

茅屋爲秋風所破歌
唐杜 甫

八月秋高風怒號
卷我屋上三重茅
茅飛度江灑江郊
高者挂罥長林梢
下者飄轉沉塘坳
南村稊童欺我老
無力恐能對面爲
盜賊公然抱茅入
竹去
唇焦口燥呼不得
歸來倚杖自歎息
俄頃風定雲墨色
秋天漠漠向昏黑
布衾多年冷似鐵
嬌兒惡卧踏裏裂
牀牀屋漏無乾處
兩腳如麻未斷絕
自經喪亂少睡

眠長夜沾濕何由徹安得廣厦千萬間大庇天下寒
士俱歡顏風雨不動安如山嗚呼何時眼前突兀見
此屋吾廬獨破受凍死亦足

白頭吟

李白

錦水東北流東北雙鴛鴦雄巢漢宮樹雌弄秦草芳
寧同萬死碎綺翼不分雲間雨分張此時阿嬌正嬌
妬獨坐長門愁日暮但願君恩顧妾深豈惜黃金買
詞賦相如作賦得黃金丈夫好新多異心一朝將聘
茂陵女文君因贈白頭吟東流不作西歸水落花辭

條羞故林兔絲本無情隨風任傾倒誰使女蘿枝而
來強縈抱兩草猶一心人心不如草莫捲龍鬚席從
他生網絲且留琥珀枕或有夢來時覆水再收豈滿
杯棄妾已去難重回古來得意不相負祇今唯見青
陵臺

一作錦水東流碧波蕩雙鴛鴦雄巢漢宮樹雌弄
秦草芳相如去蜀謁武帝赤車駟馬生輝光一朝
再覽大人作萬乘忽欲凌雲翔聞道阿嬌失恩寵
千金買賦要君王相如不憶貧賤日官高金多聘

秘室茂陵妹子皆見永文君歡愛從此畢淚如雙
泉水行墜紫羅襟五起鷄三唱清晨白頭吟長吁
不整綠雲鬢仰訴青天哀怨深城崩杞梁妻誰道
土無心東流不作西歸水落花辭條羞故林頭上
玉燕釵是妾嫁時物贈君表相思羅袖幸時拂莫
卷龍鬚席從他生綢絲且留琥珀枕還有夢來時
鵲鵲來在錦屏上自君一挂無由披妾有秦樓鏡
照心勝照井願持照新人雙對可憐影覆水却教
不滿杯相如還謝文君迴古來得意不相負祇今

唯有青陵臺

卓女怨

盧仝

妾本懷春女春懷不自任
迷魂隨鳳客嬌思入琴心
託援交情重當壚酌意深
誰家有夫壻作賦得黃金

閒居述懷

有手書石刻在
鹽亭縣學宮

宋文同

三十窮男子其如膽氣存
鴻毛在鄉里驥足本乾坤
周孔爲逢揖軻雄自吐吞
平生所懷抱當共帝王論

百花洲雜題

黃庭堅

范公種竹水邊亭
漂泊來遊一客星
神理不應從此
盡百年何樹至今青

竹枝歌

王廷相

江草江花滿眼新
不知卽去幾多春
愁來欲上東峯望
望上到東峰愁殺人

卽在荊州妾在家
年年江上望歸槎
茶蘼種得高如
妾縱有春風枉却花

卽在瞿唐儂自愁
坐憎風水打船頭
江靈若解渠儂
意卽若來時水不流

野鴨嗷嗷一隻飛飛到龍池不肯歸莫共鴛鴦鬪毛
羽鴛鴦情性世間稀

赤霞簾幙晚氤氲欲換春衣願自熏隨意鞦韆寒食
下桃花妬殺石榴裙

楊花作雪炒連天卽下荆吳又一年江上浣沙卽不
見問卽錯問下江船

前題

楊慎

夔州府城白帝西家家樓閣層層梯
冬雪下來不到地春水生時與樹齊

日照峰頭紫霧開
雪消江面綠波來
魚復浦邊晒網
去麝香山下打柴回

江頭秋色換春風
江上楓林青又紅
下水上風來往
貫一年長在馬船中

寂高峰頂有人家
各種蔓菁春采茶
長映江頭來往
客冷風寒兩宿天涯

清江白石女郎神
門外往來祈賽頻
風颭青旗香雨
歇山薑花開瑤草春

紅粧女伴碧江濱
蓮草花簪茜草裙
西舍東鄰同夜

燭吹笙打鼓賽朝雲

神女峰前江水深襄王此地幾沉吟
曄花溫玉朝朝態翠壁丹楓夜夜心

上峽舟卽風浪多迭卽行去爲卽歌
白鹽紅錦多多載危石高灘穩穩過

無義灘頭風浪收黃雲開處見黃牛
白波一道青峰裡聽盡猿聲是峽州

佛現

鳥名峽眉山有之聲呼
類佛現每叫必有金光

前人

佛現佛現鳥語易隨人意變山川發鼎煖草木呈葱
蒨坐使遊人心目亂佛現佛現

讀余懋昭遊青城山詩因寄韓飛霞

前人

白沙一百八渡青城三十六峰樽酒此時相憶烟霞
何日重逢

寄升菴

黃夫人

懶把音書寄日邊別離經歲又今年卽君自是無歸
意何處春山不杜鵑

丈夫本是四方客
妾爲離愁心似結
公義私情不兩全
願君早向淡烟勒

聞道滇南花草鮮
輸君日日醉花前
銀河若得鵝毛渡
並駕僊舟听採蓮

纔經賞月時
又是菊花期
歲月看流水
人生遠別離

山居

周遜

野人偏有水雲情
小結園亭也自清
滿院春深聞杜宇
一簾秋色對周盈
題詩偶似陶彭澤
嗜酒真成阮步兵
十二欄干閒倚遍
側身東望鳳皇城

山居三首

前人

日出三竿睡起鳥啼滿
院花香受用雲窓月戶逍遙

竹几藤床

寄興烟波釣艇焚香紫
翠岩房楚雀黃鵬聲驚午夢

藤花香落春觴

麴蘖金蘭瑞露臯盧紫
笋龍芽丹鳳樓頭落籍和神

國裡人家

和升翁春興詩

前人

天涯防窄舊山川胡馬
何因更入邊每見諸公憂社

稷豈無一士靖烽煙太平且共消長日薄宦何如訪
大年百歲春光忽強半已無心緒勒燕然

戎平行井序

趙貞吉

亭曰聖人作而西戎敘乃自百記之矣夜即牂牁
犍爲越嶲諸郡沅澧溫江青衣之所包絡戎籬居
之率服荒忽雖同覆轍之中未正賓臣之分而最
制蠻頑梗頗有司之失天刑則都蠻其充矣按地至
都蠻在敘郡六縣之田小邠育蕃久喜殺讐我民惡
驗不宥語具蜀臣奏臨邛頃都御史曾公奉

旨討罪平之以其地爲治於是諸戎警戢北逮羌
狄南聯徃徃無不震懾非所謂聖人作而西戎敘
者乎曾公於上服曆之初率先拓地稱能臣矣
客有謂予曰平蠻之功豈不壯哉夫自漢檄開犍
之諭逮宋亦著誓蠻之作千餘年間傷警未寧豈
不出此醜類未盡之故哉聞之宣德時合六縣衆
一大創又而平寧者數十歲嘉靖以來耳目睹記
師行拍壘而返以安輯報者又兩舉矣在綜核家
俱當負失利之罰而邑井騷削廩虛伍缺卒無任

其責者豈不可憾哉

皇上承御 冲霄凝命方隅之臣皆顙顙精白仰荅
成命而西川之功尤爲表著者由公知道又復知
兵也夫是役也以圍克書乃兵家勞師之忌而動
不踰時役不再舉境內寧謐師中暇整宣捷普
恩謹動 朝野皆盛德事叟舊臣也宜爲之頌予
應曰頌乃以功德告於神明此有位者事非予可
代客又曰叟當爲碑應曰碑或出上與又復庶尹
官正下逮童叟聯儷屬意乃俾中郎北海之倫執

簡抒辭耳事尚悠悠亦非予可獨任也無已則
史官也採詩史職也其爲風人之辭乎乃作戎平
行六百餘言小序曰夫戎平行者賦開府曾公靖
我邦土也音辭跌宕文近爾雅參軍供奉之駕雖
未遽方而任羣劉人之鞭可驅祇後間序富順今
途中制蠻之計事出實錄文不加點可謂奇之又
奇公之成功泚決於斯乎三川葩藻洪筆之士欲
歌贊公美有不與予同聲者乎客讀罷喜謝曰壯
哉叟之爲詩也夫頌在斯矣夫碑在斯矣夫

聖治昌徵戎羗戎底平四海寧萬曆改元未踰年西
戎亂者曰都蠻明年受鉞都御史曾公楚材生

帝里風稜箱顙顙岳岳徂暑專征類諸葛九謀五間
一日作都蠻聞之膽先落膽已落猶聚謀九絲凌霄
堅莫愁糧糗足備三年求他山之石皆貔貅劉郭之
旅溪淫霧莽難淹留言未畢大兵至山下火響千霹
靂奪險燒預網羅迷空中忽起九雲梯天兵真從天
上來烏雲龍虎何雄哉鴈陽秋蠻人憂月之望凌霄
上月之晦九絲潰掃除鐵城如拉枯弋取囊阿如匹

雍提夾二將同平吳捷書飛報端門廬 皇情悅豫

兩宮愉宣捷 廟告羣卿趨 皇帝萬壽同堯魯

克國五十先渠胥臣勞 若逸爲唐虞賚 恩自天

公偃軀微臣報 國政此需墾田拓地千里租棘荆

捶成毬毬毬萬家煙火坤之隅蠻平待公來何遲噫

嘻蠻平待公來何遲再說英豪出有時上客爲予立

斯湏已未大工索材旁午公令富順受約大府率卒

數百架入山阻遇蠻劫縣咆哮如堵殺人割肝折屋

以煮公曰且止予以計取令卒垂手各偃其斧乍出

乍沒散入岷岫賊疑兵壁又恐伏拒倉皇降斷頭于
篋花劍未怒關馬未舞二豎之首已落如杵公笑啞
啞棄置草莽天人合發殺機先露去十五稔來壑其
土前已周卽今更尚父神機鬼藏陰符道毋公來計
蠻滅不待卜不待卜神告亡圖中有物憑枯楊羨要
眇兮稱雲卽自云祖是諸葛遺青菴邇來千五百歲
擊葛之鼓臨疆場諸侯竹立者敢窺垣一方柰何不
敢烏能禳爾不問今之開府奇才十倍臥龍翥鳳誰
能當三千幕客背干將佩干將騎馭耳彼都人士何

方子一身五用穿雲度水神中三式吞予壘枯楊忽
倒神已逝神旣逝兮賊如殪賊如殪兮石不厲石不
厲鼓聲死腥風飄蕭吹楊起夜半無人間山鬼嗚呼
天生天殺理無知英豪樹立信有期賦公以才安所
施特勞勇智來率師恭承我 皇三無私動合天道
真男兒誰作頌德陳功詩老夫但採風人遺要使三
川史視竹枝已俚世世同歌思

與蔣道林僉憲約遊峨眉

前人

三年不見古滕蓑滌盡滄浪幾碧波夢到江門正奇
絕欲騎玄鶴下烟蘿

魯中永平蠻凱歌

陳宗虞

都蠻在敘南逼處邦域間非一世代之故矣信門
庭寇哉頃益熾甚毒至剖孕炊嬰不可忍言即賊
性梟獍之常宜固亦羈縻養亂致然矣大中永魯
公毅然使鉞誓必殲之甫以夏六月觀兵而南魯
不逾時盡盪蠻穴備哉千萬世之功乎昔惟漢車
騎元舅構篡成功尚封山頌德再如淮西寇僅五

十年旣俘之口致厯天子詔命勒詞矧克數千載
負固如今虜者陳子不揣下里輒撰凱歌一十二
章豈云藻蕩芳烈庶幾暢發私忤云耳

選八首

高秋幕府日南天坐策將軍下瀨舡曠努長矛三十
萬一時風雨盪蠻烟

八陣風雲岨圖當年擒縱此摧枯英雄踔絕還今
日實有天威再渡瀘

鏖弧一掣海西軍屯向成都萬里雲豹略龍韜誰可
測元戎故擅郢人斤

虎旅驍騰出大城
先鋒俠烈是劉生
天高雪嶺秋懸
檣風急岷江夜勅兵

高江六月誓王師
白日雷霆迅虎羆
馬上健兒橫吹
曲俱翻南仲出車詩

一取名王萬醜降
分明談笑靖南邦
何當王壘標銅
柱便覺湯池是錦江

放牛歸馬徹華陽
士女壺漿籍道旁
只說平番唐館
度翻傳諭蜀漢文章

錦官楊柳日依依
甲士旋歸聽采薇
頗牧行知官禁

署萬年天子但垂衣

盪平九絲城因寄諸將 曾省吾

蠶叢立國後九絲胃南恨不遠邦域中四塞鬱崔嵬
諸葛散羊羗千載滋根荻狐兔亂縱橫構此六邑灾
屠毒日已甚況乃炊嬰孩屢征阻且艱遺黎良可哀
聖人纘皇緒英武震八垓持衡由廟勝指縱自天來
一騎走雷霆萬壘成塵灰上古所不臣于今風氣開
羣賢盡匪躬胡堅不可摧孟夏迨季秋成功亦奇哉
試觀元元情寧異登春臺 國家養猛士果稱驃姚

材更圖久營屯方可蒼涓埃所急正經界慎勿貽禍
胎厭田乃土上得地非蒿萊以耕而易戰金城當見
推漢土匝羅居積漸同栽培扼吭拊其背設險勿復
猜請命爲郡縣夷風旗可回

上督府李公平播歌

張文耀

攬槍畫見參井滅豺虎凌人恣吞齧城頭白骨高於
山城下青江半流血明王愼德來諸夷何物妖氛
黯未披雷庭乍赫九五怒風雨旋驅百萬師師中丈
人古方叔薄伐壯猷儲滿腹遼海雄威舊渡鞭中

朝特簡新推轂推轂西來入不毛綸巾羽扇白方袍
夜聞刁斗軍聲肅晝擁牙旗殺氣高十道貔貅目無
虜趲人持巨靈斧險絕重關破竹闌天驕殘息魚
遊釜電掣颺馳信所如犁庭掃穴奔成墟旄頭夜落
蠻山外七首秋懸麋戰餘歸來滿路喧笳鼓士女載
歌農父舞玉壘烟嵐淨遠空銅標動紫旂明主玉壘
銅標億萬年嶙峋半壁撐南天請看燕頤封侯相定
向圖麟閣上傳

贈曾中丞平都蠻凱歌 張佳胤

油幢一指大江濱到處壺漿勞六軍傳與川南諸父
老十年此地號神君

凌霄拔盡太羊羣破竹風聲百砦聞地險敢誇飛不
到始知天上有將軍

使者勞歌六月詩渡瀘重見武侯師旄頭忽隕朱提
野首首高懸太白旗

清霜秋淨百蠻天旆旄央央萬馬前斗氣浮空知請
劍岷江中斷爲投鞭

節制從容羽羽操時時立馬見天高青山色借芙蓉

幕玉匣光生虎豹譚

帳下何人不請纓凱歌秋共塞鴻聲天留萬壑堪騎
馬地繞長江爲洗兵

不將俎豆廢干戈一檄功成諭蜀多下里難當春雪
調九夷重獻白狼歌

古語星馳達建章中興天子坐明堂賀罷千官看面
縛俘來俱是夜卽王

病餘柬三台

衛承芳

一春扶病強加餐蒲地東風不耐寒
尊酒故人知見

憶百花亭上倚闌干

柳驪鶯嬌淑氣催病餘蕭索思俱灰不知蘇肯持齋
後一日春醪醉幾廻

得李巽見懷之作

前人

自憐多病合投閒回首青雲未可攀不是故人題錦
字陽春那得到巴山

黃花落盡九秋霜此際懷人欲斷腸縱使文園臥司
馬何如漢署老馮唐

獨坐

前人

客居常閒寂愁思轉相尋不見野花落那知春色
閒雲飄短鬢芳草散幽襟獨坐看山水唯應託素琴

又

負郭連窮巷憑軒俯近郊竹深人不至林茂鳥爭巢
白社唯招隱青雲半絕交從來甘寂寞鄉里未應嘲

海觀秋濶

集句

夏宏

集句

迴沓渺渺是靈湫疑有龍居在上頭巨浸九江從北
注狂瀾百折任東流雲連水氣峨眉曉霜落潮痕采
石秋獨倚闌干飛鳥外天隨星斗共沉浮

餘耳晚渡

集句

前人

大江東面小溪斜老樹蒼蒼集暮鴉沈鉢僧歸雲外
寺喚船人立渡頭沙夕陽江浦歌飛葉秋水漁磯
釣槎南去北來人自老掉聲烟裏獨嘔啞

採巢婦

嘉靖戊子冬
遊長春作

梁承華

採巢婦澁雨酸風溪上路懸鵝自結短裙布手携空
筐淚如注老姑度朝不保暮日落倚門時望哺行人
感愴試問之掩泣吞聲還自訴妾家住在錦城西石
田确确祿黃泥辛苦官租償未足可堪樂歲猶啼餓

前年病痾良人歿夫歿門差累妻子大木官銀徵
徵典盡田園利胥史去年民快貼戍邊幼兒賣得幾
多錢兒賣出班何日已牽裳泣別誰爲憐今年早傷
燠未熟枵腹官倉不放谷荒村木落烟火稀眼前盡
是逃亡屋東隣有婦艷且狂夫骨未寒重嫁商綉羅
被衣春日暮落花飛絮愁幽房妾心如冰耳貪賤終
日採巢更何怨採歸烹熟供老姑泉下無慚見夫面
君不見綉衣使者來西陲觀風正欲知民憂莫棄吾
農採巢婦歸朝先奏明光頭

望趙文肅公別墅

姚繼先

松塢森森江水東
琴書亭榭鬱蔥龍
景收閨圃煙霞外
道湛羲圖日月中
惟石平原空夜雨
薔薇綠野恨西風
悠悠不朽尼山紫
敬式先生百代雄

劍門有懷趙司馬少保 前人

劍閣崔嵬倚碧天
稜鋒銳鏑儼相聯
一函鎖鑰嚴扃戶
萬騎兜鍪怯舉鞭
風淨光芒雄百壘
雲間壯氣壓三川
精靈曾附人中杰
嘯倚空同憶昔年

郭喬林携石犀訪琴僧 何存敬

有客相携到上房
琴書爛熳遠公堂
淨瓶水淨摩尼
色寶出烟分
婆華香細草春深
橫鶯嶺疎松影亂
瀟湘相逢欲話西來
甘嘯香猶將世態防

夔門飲吳氏歸夜坐 二首 張 翀

赤甲樓遲鬢半華
閒從小集過隣家
醉歸渴欲吞雲
夢剪燭空齋細煮茶

黑髮兩朝供奉官
灤西對酒月團團
傷心欲問年來
事只合涪江把釣竿

農家嘆 時蜀半荒 王 衍

忍饑待新穀青黃半擬穗天陰縣不乾焙已杵相繼
門外催科人時頻驚犬吠一合難下咽寧獨石壕吏
春日同社友登東山觀浮屠聽張君鑑山人
彈琴小集夜歸口占 張正學

青春結客陟東山十里江城眺望間文筆載新堪振
藻芳樽行樂可開顏乍聽綠綺心如洗頃隔紅塵意
自閑歸去踈燈喧晚渡野鷗驚起碧波灣

洞門小坐

周贊

古殿依山麓禪房映竹清野花含宿雨林鳥弄新晴

靜倚蒲團坐閒從藥徑行紅塵平馬客誰了慧中生

山庄避暑

于鶴

長夏谿林暑氣蠲閑來此地脫塵緣一身之外皆非
我萬樹中間別有天醒酒好風松外度快人華月坐
中便棄官何用浮東海一壑清虛半是仙

懷中丞嚴寅所夫子

前人

西南山嶽氣氤氲二百年來有此君清節遠追楊伯
起龍圖重見范希文倚天長燭千山曉徹地春風十
月溫惟有杜陵今寂寞花邊立馬望殷勤

林塘卽事

前人

翩翩白鳥下平沙
落落清瑤照髻華
桺已成元亮宅
種桃亦似武陵花
林塘有趣真堪買
風月無錢亦足賒
見說京華官樣好
紅塵赤日走炎車

池亭禱興

前人

一鑑清瑤落照鮮
試將銅雀洗松烟
烏雲爛熳無收
拾
驚起魚龍欲上天

春暮得道林翁寄凌雲寺翠屏書院詩和韻

楊珩

仙人在淩雲洞視六合中日月互來往乾坤一鶴濛
峰頭坐了太虛中心有鳳簫落天外回首岷峨崇
長江瀟大地女蘿附喬松萬劫會一瞬夸父誠悲風
拂水遠塵累浮雲過長空

僊人復何之乃在翠屏山翠屏不可到極目蒼樹煙
巴水百折還蜀山千仞笑勿爲道還慕但使襟懷寬
造化寂無聲斗柄天中旋虛馳白日影倏忽嗟羣嶺
我聞黃帝珠近在方寸間願言躡高蹤勿爲世所憐

門外小築

李學詩

本是園籜地給茆亦偶然小窗閑度月細竹亂生烟
抱膝能長嘯無心學草玄葛巾時脫去逸興自翩翩

丈八溝禱詠

楊璉

策杖溪邊掃釣磯
蒼苔點點人衣客來侈說離亭
下十里經塵拜騎飛

一日溪蓮百遍過紅妝
翠艷若爲歌醉來筵對江鷗
坐不問纏頭竟若何

不經堰市太腔調只醉溪頭爛熳紅
買客漫來評米價老夫元不到江東

竹陰水氣侵人涼每厭雄風灑葛裳爲間路旁揮汗
客此生何事太匆忙